

Istorya ni Nicolas ug Elena

Si Nicolas ug Elena malipayon nga naminyo sulod sa 10 ka tuig ug adunay tulo ka anak. Silang duha gusto nga ang ilang pamilya maestablisar diha sa pundasyon ni Jesukristo ug sa Iyang ebanghelyo, ug silang duha naningkamot sa pagtuman sa ilang balaan nga gitudlo nga mga responsibilidad sa pamilya.

Sama sa ubang minyo nga mga magtiayon, si Nicolas ug Elena adunay mga panagsumpaki. Ang ilang mga panagsumpaki sa kasagaran mahitungod sa kwarta. Si Nicolas nagtrabaho nga full time sa gawas sa panimalay. Si Elena makahimo sa pag-atiman sa ilang mga anak ug pagdumala sa ilang panimalay nga full time, agig dugang sa panagsa nga pagtrabaho sa ginagmay nga mga trabahoon. Si Nicolas nagtuo nga ang iyang tahas sa pagdumala sa panimalay, ingon man nga mao ang adunay mas dakong kinitaan nga kwarta, nagpasabot nga siya ang adunay kataposan nga paghukom kon unsaon sa paggasto ang kwarta. Si Elena mibati nga siya kinahanglan nga mas adunay gahom sa mga desisyon nga maglakip sa mga anak tungod kay siya mas nag-uban kanila kay ni Nicolas. Usahay sa nangagi, nga dili mosulti ni Nicolas, siya migasto sa ilang kwarta sa paagi nga gusto niya.

Si Nicolas ug Elena bag-o lang naghisgot unsay buhaton sa gamay nga kwarta nga ilang natigom. Si Nicolas gusto nga gamiton kini aron ipalit og sakyanan aron mas makapasayon kini alang niya nga moadto sa trabahoan ug alang sa pagbiyahe-biyahe sa ilang pamilya. Si Elena gusto nga mogamit sa kwarta aron dad-on ang mga anak sa usa ka pagbakasyon sa pagbisita sa ilang mga paryente ug maglingaw-lingaw sa dili pa managko ang mga bata. Ang panagsumpaki ni Nicolas ug Elena nakapabalaka kanila, apan kinahanglan nga himoon ang usa ka desisyon.

- Unsay inyong ikasulti nga mao ang labing dako nga hagit nga giatubang ni Nicolas ug Elena sa paghukom unsay buhaton sa kwarta?
- Unsa sa inyong hunahuna nga ilang gikinahanglan aron mas makasabot mahitungod sa pagkamanagkauban ug pagdumala kalabot sa paghimo og mga desisyon alang sa ilang pamilya? (Tan-awa sa seksiyon 3 sa materyal sa pagpangandam.)
- Kon kamo si Nicolas o Elena, unsaon ninyo sa pagduol ang inyong kapikas aron magtinambagay mahitungod niini nga desisyon sa Kristohanong paagi?